



Broj: 05-04-8156-31/23
Sarajevo, 16.05.2023.g.

KANTON SARAJEVO
SKUPŠTINA KANTONA SARAJEVO
- OVDJE -
n/r Predsjedavajućeg Skupštine Kantona Sarajevo
Elvedin Okerić

PREDMET: Odgovor na zastupničko pitanje zastupnice Sanele Klarić - dostavlja se

Zastupnica Skupštine Kantona Sarajevo Sanela Klarić, je na Šestoj radnoj sjednici Skupštine Kantona Sarajevo, održanoj 29.03.2023. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo, postavila je slijedeće zastupničko pitanje:

„U kojoj je fazi implementacija obaveza preuzetih usvajanjem Rezolucije o unapređenju kvaliteta zraka u zatvorenom prostoru, predlagačice Vildane Bešlije, usvojene od strane ove skupštine prije gotovo dvije godine“

ODGOVOR:

Ministarstvo komunalne privrede, infrastrukture, prostornog uređenja, građenja i zaštite okoliša je proučilo predloženu Rezoluciju i konstatovalo slijedeće:

Svjesni smo negativnog uticaja kvaliteta zraka na djecu i omladinu u odgojno-obrazovnim ustanovama, ali i u drugim radnim okruženjima kojim su izložene i ostale populacije stanovnika u Kantonu Sarajevo i šire.

Rezolucijom je predloženo da Vlada KS imenuje interdisciplinarnu grupu koju će, u prvom redu, predstavljati predstavnici ovog Ministarstva, imajući u vidu činjenicu da se Sektor zaštite okoliša bavi, pored ostalog, i zaštitom zraka.

Međutim, bitno je naglasiti da Zakon o zaštiti okoliša ("Službene novine FBiH" broj 15/21), kao krovni zakon reguliše pitanja zaštite svih segmenata okoliša, pa tako i zaštite zraka, **ali u prirodnom okruženju, a ne u zatvorenom prostoru.**

Ističemo da je ovim zakonom definisan "okoliš", i da, prema definiciji, predstavlja **prirodno okruženje ljudi, životinjskog i biljnog svijeta...**

Prema Zakonu o zaštiti zraka ("Službene novine FBiH" br. 33/03 i 4/10" u članu 2. jasno se navodi definicija pojma "zrak" koji je predmet ovog zakona. Naime, **zrak- znači spoljni zrak u atmosferi, ne uključujući radne prostorije.**



Odgojno obrazovne ustanove, kao i sve ostale institucije predstavljaju radni prostor u kojim se obavljaju predviđene radne aktivnosti.

Iz tog razloga pravni osnov za donošenje navedene Rezolucije, kao i svih propisa koji regulišu pitanja zaštite zraka u zatvorenim prostorijama, bi trebao biti Zakon o zaštiti na radu, a voditelj interdisciplinarne grupe, Ministarstvo za rad, socijalnu politiku, raseljena lica i izbjeglice KS.

Na osnovu navedenog, predlažemo da Vlada Kantona Sarajevo formira interdisciplinarnu grupu na čelu sa Ministarstvom za rad, socijalnu politiku, raseljena lica i izbjeglice KS, a ovo Ministarstvo će se rado uključiti u dalji rad po pitanju ove problematike.



Dostaviti:

- Naslovu
- Sanela Klarić, zastupnica u Skupštini KS
- Stručna služba Vlade KS,
- a/a